

馬氏文獻通考



文獻通考卷一百五十七

鄧 陽 馬 端 臨 貴 興 著

兵考九

教閱

周禮大司馬中春教振旅司馬以旗致民平列陳如戰之陳辨鼓鐸鐃之用王執路鼓諸侯執賁鼓軍將執晉鼓師帥執提旅帥執鼙卒長執鐃兩司馬執鐸公司馬執鐃以教坐作進退疾徐疏數之節遂以蒐田有司表貉誓民鼓遂圍禁火弊獻禽以祭社中夏教茆舍如振旅之陳羣吏撰車徒讀書契辨號名之用師以門名縣鄙各以其名家以號名鄉以州名野以邑名百官各象其事以辨軍之夜事其他皆如振旅遂以苗田如蒐之法車弊獻禽以享祠中秋教治兵如振旅之陣王載太常諸侯載旂軍吏載旗師都載旛鄉遂載物郊野載旐百官載旗各書其事與其號爲其他皆如振旅遂以獮田如蒐田之法羅弊致禽以祀祊中冬教大閱前期羣吏戒衆庶修戰法虞人萊所田之野爲表百步則爲三表又五十步爲一表田之日司馬建旗於後表之中羣吏以旗物鼓鐸鐃各帥其民而致質明弊旗誅後至者乃陳車徒如戰之陳皆坐羣吏聽誓於陳前斬牲以左右徇陳曰不用命者斬之中軍以鼙令鼓鼓人皆三鼓司馬振鐸羣吏作旗車徒皆作鼓行鳴鐃車徒皆行及表乃止三鼓攬鐸羣吏弊旗車徒皆坐又二鼓振鐸作旗車徒皆作鼓進鳴鐃車驟徒趨及表乃止坐作如初遂以狩田以旌爲左右和之門羣吏各帥其車徒以敘和出左右陳車徒有司平之旗居卒間以分地前後有屯百步有司巡其前後險野人爲主易野車爲主旣陳乃設驅逆之車有司表貉於陳前中軍以鼙令鼓鼓人皆三鼓羣司馬振鐸車徒

皆作送鼓行徒銜枚而進大獸公之小禽私之獲者取左耳及所弊鼓皆駭車徒皆譟徒乃弊致禽饁獸於郊入

獻禽以享烝以上注並見田獵門此不再錄臧傳伯曰春蒐夏苗秋獮冬狩蒐索擇取不孕者苗爲苗除害也獮殺也以殺爲

也皆於農隙以講事也各隨時事之三年而治兵入而振旅難四時講武猶復三年而大習出曰治兵始治其歸而飲

至以數軍實飲於廟以數車徒器械及所獲也昭文章旌旗明貴賤辨等列行伍順少長出則少者在前還振整也旅衆也魯桓公

六年大閱公羊曰大閱者何簡車徒也大簡閱兵車使可任用而習之何以書蓋以罕書也比年簡徒謂之蒐三年簡車謂之

穀梁曰大閱者何閱兵車也脩教明諭國道也平而脩戎事非正也禮因四時田獵以習用戎事莊公八年

正月師次于郎甲午治兵穀梁出曰治兵習戰也入曰振旅習戰也治兵而陳蔡不至矣師次於郎以兵事以

嚴終故曰善陳者不戰此之謂也善爲國者不師道政齊禮鄰國望之爲善師者不陳須臾兵列陳善陳者不戰

之莫敢與戰嚴整激望而畏善戰者不死故無死者善死者不亡民盡其命無公羊祠兵者何出曰祠兵入曰振旅其禮一

也皆習戰也楚子將圍宋使子文治兵於睢子文時不爲令尹故使之終朝而畢不戮一人子文欲委重於子

玉復治兵於焉焉楚邑終日而畢鞭七人賈三人耳國老皆賀子文子文飲之酒子玉故略其事子文

問之對曰不知所賀子之傳政於子玉曰以靖國也靖諸內而敗諸外所獲幾何子玉之敗子之舉也舉以敗國

將何賀焉子玉剛而無禮不可以治民過三百乘其不能以入矣苟入而賀何後之有三百乘二萬晉文公蒐

於被廬作三軍閔元年晉獻公作二軍今復大國之禮謀元帥趙衰曰卻縠可臣亟聞其言矣說禮樂而敦詩書詩書義之府也禮

樂德之則也德義利之本也君其試之乃使卻縠將中軍卻縠佐之使狐偃將上軍讓於狐毛而佐之毛偃命趙

衰爲卿讓於樂枝先軫使樂枝將下軍先軫佐之荀林父御戎魏犢爲右

漢承秦制三時不講噍十月車駕幸長安水南門會五營士爲八陣進退名曰乘之

武帝太初二年令天下臘五日

如淳曰立秋臘臘伏臘曰噍音劉劉殺也師古曰懷漢書作劉劉噍各通耳漢儀註云立秋之日斬牲於郊東門外以薦廟武官肆食不戰陣之儀

漢制常以九月都試太守都尉令長丞相會都試課殿最

韓延壽爲東郡太守都試騎士治飾兵車畫龍虎朱

爵延壽黃袍方領駕四馬

總建幢檠植羽葆鼓車歌車功曹引車皆駕四馬載檠戟五騎爲伍分左右部軍假

司馬千人持幢旁轂歌者先居射室望見延壽車噉咷楚歌延壽坐射室騎吏持戟夾陛列立騎士從者帶弓韃

羅後令騎士兵車四面營陳被甲韃蓋居馬上抱弩負蘭又使騎士戲車弄馬盜驂及治飾車甲三百萬以上於

是蕭望之劾延壽上僭不道坐棄市

東漢制以立秋之日自郊禮畢始揚威武斬牲於郊東門以薦陵廟其儀乘御戎路白馬朱鬣躬執弩射牲牲以

鹿麋太宰令謁者各一人載獲車馳駟送陵廟還宮遣使者齎束帛以賜武官武官肆兵習戰陣之儀斬牲之禮

名曰驅劉兵官皆肆孫吳兵法六十四陣名曰乘之立春遣使者齎束帛以賜文官驅劉之禮祠先虞執事告先

虞已烹鮮時有司乃遼巡躬牲獲車畢有司告事畢

明帝永平元年六月初令百官驅臘

安帝延光二年十一月校獵上林苑

安帝初鄧太后臨朝俗儒世士以爲文德可興武功宜廢遂寢蒐狩之禮

息戰陣之法故猾賊縱橫乘此無備馬融以爲文武之道聖賢不墜五材之用無或可廢元初二年上廣成頌以

諷諫依舊文重述蒐狩之義作頌一篇并封上

靈帝中平五年望氣者言以爲京師當有大兵兩宮流血大將軍司馬涼假司馬伍若說大將軍何進曰太公六

韜有天子將兵事可以威厭四方進以爲然入言之於帝於是乃詔進大發四方兵講武於平樂觀下起大壇上建十二重五采華蓋高十丈壇東北爲小壇復建九重華蓋高九丈列步兵騎士數萬人結營爲陳天子親出臨軍駐大華蓋下進駐小華蓋下禮畢躬擐甲介馬稱無上將軍行陳三匝而還詔使進領兵屯於觀下是時置西園八校尉以小黃門蹇碩爲上軍校尉虎賁中郎將袁紹爲中軍校尉屯騎都尉鮑鴻爲下軍校尉議郎曹操爲典軍校尉趙融爲助軍校尉淳于瓊爲佐軍校尉又有左右校尉帝以蹇碩壯健而有武略特親任之以爲元帥督司隸校尉以下雖大將亦領屬焉 帝自黃巾之起留心戎事問討虜校尉蓋勳曰吾講武如何如對曰臣聞先王耀德不觀兵今寇在遠而設近陳不足以昭果毅祇黷武耳

獻帝建安二十一年有司奏古四時講武按漢西京承秦制三時不講唯十月都試金革令兵戈未偃士衆素習可無四時講武但以立秋擇吉日大朝車騎號曰閱兵上合禮名下承漢制是冬閱兵魏王曹操親執金鼓以令進退

魏文帝嗣魏王位其年秋閱兵於郊公卿相儀王御華蓋親金鼓之節

明帝太和元年十月閱兵於東郊

晉武帝太始四年九月咸寧元年太康四年六年冬皆自臨宣武親大閱習衆軍然不自令進退自惠帝以後其

禮遂廢

東晉元帝太興四年詔左右衛及諸營教習依大習儀

成帝咸和中詔內外諸軍戲兵於南郊之塲其地因名闕塲自後藩鎮相倣諸方伯往往閱習然朝廷無事焉

宋文帝依故事肄習衆軍兼用漢魏之禮其後以時講武於講武堂

餘見田獵門

後魏明帝永興五年以九月十月帝親行獵劉之禮

孝成帝和平三年因歲除大儺遂耀兵示威更爲制令步兵陳於南騎士陳於北各擊鐘鼓以爲節度其步兵所衣青赤黑黃別爲部隊楯稍矛戟相次周廻轉易以相赴就有飛龍騰蛇之變爲函箱魚鱗四門之陣凡十餘法跪起前却莫不應節陣畢南北二軍皆鳴鼓角衆盡大譟各令騎將六千人去來挑戰步兵更進退以相拒擊南敗北捷以爲威觀自後以爲常

後齊常以季秋皇帝講武於都外有司先萊野爲場爲三軍進止之節又別擇於北陽輿駕停觀遂命將簡士教衆爲戰陣之法凡爲陣少者在前長者在後其還則長者在前少者在後長者持弓矢短者持旌旗勇者持鉦鼓刀楯爲前行戰士次之槩者次之弓箭爲後行將帥先教士目使習見旌旗指麾之蹤發起之意旗臥則跪教士耳使習金鼓動止之節聲鼓則進鳴金則止教士心使知刑罰之苦賞賜之利教士手使習持五兵之便戰鬪之備教士足使習跪及行列嶮泥之塗前五日皆請兵嚴於場所依方色建旗爲和門都墀之中及四角皆建五采牙旗應講武者各集於其軍戒鼓一通軍士皆嚴備二通將士貫甲三通步軍各爲直陣以相俟大將各處軍中立旗鼓下有司陳小駕鹵簿皇帝武弁乘革輅大司馬介冑乘奉引入行殿百司陪列位定二軍迭爲客主先舉爲客後舉爲主從五行相勝法爲陣以應之

後周仲春教振旅大司馬建大麾於萊田之所鄉稍之官以旗物鼓鐸鉦鑄各帥其人而致誅其後至者建麾於後表之中以集衆庶質明偃麾誅其不及者乃陳徒騎如戰之陣大司馬北面誓之軍中皆聽鼓角以爲進止之

節田之日於所萊之北建旗爲和門諸將帥徒騎序入其門有司居門以平其人既入而分其地險野則徒前而騎後易野則騎前而徒後既陣皆坐乃設驅逆騎有司表貉於陣前以太牢祭黃帝軒轅氏於狩地爲壇建二旗列五兵於坐側行三獻禮遂蒐田致禽以祭社仲夏教茷舍如振旅之陣遂以苗田如蒐法致禽以享祔仲秋教練兵如振旅之陣遂以獮田如蒐法致禽以祀方仲冬教大閱如振旅之陣遂以狩田如蒐法致禽以享烝

隋大業七年征遼東衆軍將發御臨朔宮親授節度每軍大將亞將各一人騎兵四十隊隊百人百人置一隊十隊爲一團團有

偏將一人第一團皆青縵連光甲鐵具裝青縵拂建銳銳旗第二團綠縵連珠犀甲獸文具裝赤縵拂建銳銳旗第三團白縵連明光甲鐵具裝素縵拂建辟邪旗第四團烏縵連元犀甲獸文具裝黑縵拂建六駭旗前部鼓吹一部大鼓小鼓及鞀長鳴中鳴等各十八其獨鼓金鉦各二具後部鐃吹又步卒八十隊分爲四團團有偏將一

人第一團每隊給青半盞幡一第二團每隊黃半盞幡一第三團每隊給紅半盞幡一第四團每隊烏半盞幡一長槲櫓弩及甲整等各稱兵數受降使者一人給二馬輜車一乘白獸

車輜白從十二人承詔慰撫不受大將制戰陣則爲監軍軍將發候大角一通步卒第一團出營東門東向陣第二團出

營南門南向陣第三團出營西門西向陣第四團出營北門北向陣陣四面團然後諸團嚴駕立大角三通則鐃

鼓俱振第一團引行隊間相去各十五步次第二團次前部鼓吹弓矢一隊合二百騎建蹲獸旗爬槩二張大將

在其次鞀馬二十匹次大角次後部鐃吹次第四團次受降使者次及輜重戎車散兵等亦有四團第一輜重出

收東面陣分爲兩道夾以行第二輜重出收南面陣夾以行第三輜重出收西面陣夾以行第四輜重出收北面

陣夾以行亞將領五百騎建騰豹旗殿軍後至營則第一團騎陣於東面第二團騎陣於南面鼓翊大將軍居中

駐馬南面第三團騎陣於西南面第四團騎陣於北面合爲方陣四面外向步卒翊輜重入於陣內以次安營定

四面陣者引入營亞將率驍騎遊奕督察其安營之制以車外布間設馬槍次施兵幕內安雜畜事大將亞將等

就牙帳馬步陣與軍中散兵交爲兩番五日而代於是每日遣一軍發相去四十里連營漸進二十四日續發而盡首尾相繼鼓角相連旌旗互九百六十里天子六軍次發兩部前後先置又互八十里通諸路合三十軍互干四十里諸軍各以帛爲帶長尺五寸闊二寸題其軍號爲記御營內者合十衛三臺五省九寺並分隸內外前後左右六軍亦各題其號不得自言臺省王公以下至於兵馬私隸悉以綴於衣領各軍記帶諸軍並給幡數百有餘事使人交相去來執以行執幡而離本軍者他軍驗記帶知非本部兵則所在斬之

唐太宗嘗引諸衛將卒習射於顯德殿

詳見兵制

高宗顯慶二年十一月講武於涅水之南行三驅之禮設次於尙書臺以觀之

漢南郡太守馬融講尙書於其地因以得名後改講武臺

五年三月八日又講武於并州城北上御飛閣羣臣臨觀之左衛大將軍張延師爲左右驍武等六衛左羽林騎士屬焉右武侯大將軍梁建方爲右軍左右威領武侯等六衛右羽林騎士屬焉一鼓而誓衆再鼓而整列三鼓而交前左爲曲直圓銳之陣右爲方銳直圓之陣三挑而五變步退而騎進五合而各復位

武太后聖歷二年欲以季冬講武有司請延至孟春王方慶上疏曰謹按禮記月令孟冬之月天子命將帥講武習射御角力此乃三時務農一時講武蓋王者常事安不忘危之道也孟春之月不可以稱兵兵者金也金性克木春盛德在木金氣以害盛德逆生氣孟春行冬令則水潦爲敗雪霜大摯首種不入按蔡邕月令章句太陰休少陽尙微而行冬令以導水氣故水潦至而敗生物也雪霜大摯摧傷物也太陰干時雨雪而霜故傷首種

也步以秋種故謂之首種入收也爲互寒所傷故至春不長今月令首種種非步

今孟春講武是行冬令以陰故犯陽氣害發生之德臣恐水潦敗物雪

霜損稼宿麥不登無所收入也請至明年孟冬教習以順天道從之

元宗先天二年十月講武於驪山之下徵兵二十萬戈鉞金甲照耀天地列大陣於長川坐作進退以金鼓之聲節之帝親擐戎服持大槍立於陣前以虧失軍容坐兵部尚書郭元振於纛下將斬之宰臣劉幽求張說跪於馬前諫曰元振推戴上皇有大功雖違軍令不可加刑乃捨之流新州給事中知禮儀唐紹以草軍儀有失斬之薛訥爲左軍節度衆以元帥及禮官得罪諸節部頗亦失序唯訥及解琬軍不動上令輕騎召訥等至軍門不得入禮畢特加慰勞

唐開元禮

皇帝講武儀注

仲冬之月講武於都外前期十有一日所司奏請講武兵部承詔遂命將帥簡車士有司先芟萊除地爲場方一千二百步四出爲和門又於其內墀地爲步騎六軍營城處所左右廂名爲三軍皆上軍在北中軍次之下軍在南東西相向中間相去三百步五十步立表一行凡立五行表間前後各相去五十步爲三軍進止之節又別墀地於北廂南向爲車駕停觀之處前三日尚舍奉御設大次及御座於其中如常儀前一日講武將帥及士卒集於墀所禁止諠譁依方色建旗爲和門於都墀之中及四角皆建以五綵牙旗旗鼓甲仗威儀悉備於墀所大將以下各有統帥如常式步軍入將被甲胄乘馬教騎大將亦乘馬教習士衆爲戰陣之法凡教爲陣少者在前長者在其後其還則長者在前少者在後長者持弓矢短者持戈矛力者持旌旗勇者持鉦鼓刀楯爲前行持稍耆次之弓箭爲後行將帥先教士衆習見旌旗指麾之蹤旗臥卽跪旗舉卽起金鼓進止之節聲鼓卽進鳴金卽止知刑罰之害賞賜之利持五兵之便戰鬪之備習串跪起及行列險隘之路講武日未明十刻軍士皆嚴備五刻將

士皆貫甲步軍各爲直陣以相俟將軍依儀各依格備物大將軍各依格處分軍中立於旗鼓之下凡六軍儀各角四節於其軍後表之下

車駕出宮如常式 講武日未明七刻搥一鼓爲一嚴三嚴時節前一曰侍中奏開宮殿門及城門未明五刻中奏議出宮以剛日侍中奏開宮殿門及城門未明五刻

搥二鼓爲再嚴侍中版奏請中廢文武官應從者俱先置文武官皆公服所司爲小駕依圖陳設未明二刻搥三

鼓爲三嚴諸衛各督其隊與鍔戟以次入陳於殿庭諸侍衛之官各服其器服諸侍臣俱詣西階下奉迎侍中頁置如式

乘黃令進革輅於太極殿前皇帝服武弁之服餘並如圖丘儀駕至壇所兵部尙書介冑乘馬奉引至講武所入

自都壇北和門兩步軍之北當空南向黃門侍郎奏稱請降輅還侍位皇帝降輅入大次而觀兵部尙書停於東

廂西向三仗小退以通觀路領軍減小駕騎士立於都壇之四周侍臣依左右廂立於大次之前東西北上文武

九品以上皆公服文東武西在侍臣之外十步重行北上諸州使人及蕃客先集於都壇北和門外東方南方立

於道東西方北方立於道西皆向輅而立於北爲上駕至和門奉禮曰可拜在位者皆再拜皇帝入次謁者引諸

州使人鴻臚卿引蕃客東方南方立於大次東北南向以西爲上西方北方立於大次西北南向以東爲上若有

觀者立於都壇騎士仗外四周任意然後講武諸州使人及蕃客立定吹大角三通中軍將各以鞞令鼓二軍俱

擊鼓三鼓有司偃旗步士皆跪二軍諸帥果毅以上各集於中軍大將旗鼓之下左廂中軍大將立於旗鼓之東

西面諸軍將立旗鼓之南北面東上右廂中軍大將立於旗鼓之西東面諸軍將立於旗鼓之南北面西上以聽

誓大將誓曰今行講武以教人戰進退左右一如軍法用命有常賞不用命有常刑可不勉之誓訖左右三軍各

長史二人振鐸分循以警衆諸果毅各以誓詞通告其所部遂擊鼓有司舉旗士衆皆起騎從皆行及表擊鉦騎

從乃止又擊三鼓有司偃旗士衆皆跪又擊有司舉旗士衆皆起騎驟徒趨及表乃止整列位定東軍一鼓舉青旗爲直陣西軍亦鼓而舉白旗爲方陣以應之次南軍亦鼓舉赤旗爲銳陣北軍亦鼓而舉黑旗爲曲陣以應之次東軍鼓而舉黃旗爲圓陣西軍亦鼓而舉青旗爲直陣以應之次西軍鼓而舉白旗爲方陣東軍亦鼓而舉赤旗爲銳陣以應之次東軍鼓而舉黑旗爲曲陣西軍亦鼓而舉黃旗爲圓陣以應之凡陣迭爲主客先舉者爲客後舉者爲主從五行相勝之法爲陣以應之每變陣二軍各選刀楯之士五十人挑戰於兩軍之前第一第二挑戰迭爲勇怯之狀第三挑戰爲敵均之勢第四第五挑戰爲勝敗之形每將變陣先鼓而爲直陣然後變從餘陣之法五陣畢兩軍俱爲直陣又擊三鼓有司偃旗士衆皆起又擊鼓舉旗士衆皆起騎從徒走左右軍俱至中表相擬擊而還每退至一行表跪起如前遂復其初侍中跪奏請觀騎軍又侍中稱制曰可侍中俛伏興二軍吹角擊鼓士衆俱進及表乃止皆如步軍唯無起跪耳騎軍東西迭爲主客爲相勝之陣皆如步軍之法每陣各八騎挑戰於兩陣之間如步軍法五陣畢俱大擊鼓而前盤馬相擬擊而罷遂振旅而還凡步軍二軍之士備則滿數省則減之損益隨時唯不得減將節凡相擬擊皆不得以刃相及凡步士逐退過中表二十步而止不得過也騎士不在此例

若因田時則令諸武軍士之外先期爲圍觀訖衆講武罷侍中跪奏稱侍中臣某言講武禮畢請還

馬戲行觀禽如別禮訖衆略振旅而還如常儀講武罷侍中跪奏稱侍中臣某言講武禮畢請還俛伏興皇帝降御輿侍衛如常儀皇帝升輅太僕卿立授綬升訖敕車右升千牛將軍升輅陪乘黃門侍郎奏請鑾駕發引以下如圖丘還宮儀唯不作鼓吹不撞蕤賓解嚴訖將士各還明日羣官奉參起居如別儀

開元八年八月敕四方雖安不可忘戰故周禮以軍禁糾邦國以蒐狩習戎旅不教人戰是謂棄之宜差使於兩京及諸州簡取十萬人務求灼然驍勇不須限以蕃漢皆放番役差科唯令團伍教練辨其旗物簡其騎徒攻取

進退之方陳威儀貴賤之等俾少長有禮疾徐有節將以伐叛懷服保大定功協於師貞以弘武備

肅宗至德二年八月御鳳翔府門大閱

五年正月御翔鸞閣習武

自後
遂廢

文宗大中六年五月敕天下軍府有兵馬處宜選會兵法能弓馬人充教練使每年依禮教習仍於其時申兵部

梁開平元年十月駕幸繁臺講武至二年七月改爲講武臺

按地理志本西漢梁孝王所築謂之吹臺其後有繁氏居其側故里人呼之爲繁臺

宋太祖皇帝建隆三年十一月講武於近郊六軍之容甚盛帝每御講武殿親臨教閱其法刻木爲箭鏃鏃以氈屬命强者兩兩相射避卽捶之取其不避者又以木挺爲馬撾施韋韜俾馳騎相擊取其尤勝者各分等級以選隸之自是師旅皆精銳

太宗太平興國二年將伐太原詔築講武堂於西郊九月大閱上與從官登而觀焉是冬又觀飛山兵射連弩發機石於臺下帝循太祖舊制親閱武藝御便坐時召上軍觀步射擊刺列爲行伍或召宰相親王臨觀間亦幸

殿前班閱馬射行幸池苑亦令諸軍衛士騎射鵬盤截柳枝或於庭中令射毛毬淳化五年八月召天武士卒教

射於殿庭弓力有至石三斗以引強平射者爲上等艱於引滿者別爲一等其諸淺軟者又爲一等各量其材力

而選隸之至道元年九月又閱禁旅有挽強至一石五斗連三十發而有餘力又令騎兵步兵各數百東西列陣

挽強弩視其進退發矢如一容止中節上曰此殿庭間數百人耳猶兵威可觀況堂堂之陣數萬成列者乎

眞宗咸平二年八月大閱諸軍於東郊其儀最備詔有司擇地於含暉門外之東武村爲廣場乙丑夜三鼓殿前

侍衛馬步軍二十萬分出諸門丙寅上乘馬以出宗室近臣尙書侍郎御史中丞給諫上將軍節度觀察防禦團

練刺史並別駕從賜以窄袍上至行宮諸軍陣於臺前左右相向步騎交屬諸班衛士翼侍於臺後有司奏成列上升臺東向召從臣坐而觀之殿前郎指揮使王超執方旗以節進退又於兩陣中起候臺相望使人執旗以應之初舉黃旗則諸軍旅拜舉赤旗則騎進舉青旗則步進每旗動則鼓作鼓作則士進皆三挑而後退次舉白旗則諸軍復再拜呼萬歲有司奏陣堅而整士勇而厲欲再舉上曰可止矣遂舉黑旗以振旅軍於左者略右陣以還由臺前出西北隅軍於右者略左陣以還由臺前出西南隅以歸御東華門閱諸軍還營翊日近臣諸軍將校以內職皆賜飲其後又幸飛山教場觀發機石連弩及便坐日閱召募新軍時令習戰陣之狀率如兩朝舊規其事悉見兵志

仁宗時案閱訓練之制禁軍月奉五百以上皆日習武技三百以下或習或給役其後別募廂軍亦閱武技號教閱廂軍戍川廣者舊不訓練嘉祐以後稍習焉凡諸營日習之法以鼓聲爲節騎兵五習步兵四習以教坐作進退非施於兩軍相當者然自祖宗已來中外諸軍皆用之

明道二年樞密使王曉上言天下廂軍止給役而未嘗習以武技宜取材勇者訓練升補禁軍天子可其奏

康定元年帝御便殿閱諸軍陣法上封者言諸軍止教坐作進退雖整肅可觀然臨敵難用請自今遣官閱陣畢令解鎧以弓弩射營置弓三等自一石至八斗弩四等自二石八斗至二石五斗以次閱習詔行之陝西河東河北路是歲詔教士不祗帶金甲緩急不足以應敵自今諸軍各予鎧甲十馬甲五令迭拔帶又命諸軍班亦習雜武技勿輒禁止

神宗熙寧三年初置保甲

四年始詔以時肄習武事

詳見兵志門

五年詔以涇原路蔡挺衛教陣隊於崇政殿引見仍頒行於諸路其法五伍爲隊爲陣陣橫列騎兵二隊亦五伍列之其出皆以鼓爲節東草象人而射焉中則有賞馬步皆前三行槍刀後二行弓弩附隊以虎蹲弩床子弩各一射與擊刺迭出皆聞金卽退預籍人馬之强者隱於隊中遇可用則別出爲奇帝以其點閱周悉常有出野之備故令頒行

六年帝初置內教法旬一御便殿閱武技程其能否而勸沮之

元豐元年詔立在京秋校試諸軍技藝格第爲上中下三等步射大發而三中爲第一等二中爲第二等一中爲第三等馬射五發驟馬直射三矢背射二矢中數第如步射法弩射自六中至二中床子弩及砲自三中至一中爲及等並賞銀有差槍刀并標排手角勝負計所勝第賞其弓弩墜落或縱矢不及棚或挽弓破體或局而不張或矢不滿或弩蹠不上牙或獲不發或身到足落並爲不合格卽射已中賞餘箭不合格者降一等無可降者罷之十一月京西將劉元上言馬軍教習不成請降補步軍又不成降廂軍詔下令諸軍約一季不能學者如所請降之

二年立府界集教大保長法以昭宣使入內侍省副都知王中正東上閤門使狄詒兼提舉府界教保甲大保長總二十二縣爲教場十一所大保長凡二千八百二十五人每十人一色事藝置教頭一凡禁軍教頭二百七十都教頭三十使臣十弓以八斗九斗一石爲三等弩以二石四斗二石七斗三石爲三等馬射九斗八斗爲二等其材力超拔者爲出等當教時月給錢三千日給食官予戎械戰袍又具銀牒酒醪以爲賞犒三年大保長藝成

乃立團教法以大保長爲教頭教保丁焉凡一都保以相近者分爲五團卽本團都副保正所居聚教之以大保長藝成者十人衰教五日一周之五分其丁以其一爲騎二爲弓三爲弩府界法成乃推之三路各置文武官一人提舉

三年內教法格并圖其象頒行之步射執弓發矢運手舉足移步及馬射馬使蕃槍馬上野戰格鬪步用鏑排皆有法象凡千餘言使軍士習誦焉 趙鼎言今欲大閱漢蕃陣隊且以萬二千五百人爲法旌旗麾轍各隨方色戰國時大將之旗以龜爲飾蓋取前列先知之義今中亦宜以龜爲號其八隊旗別繪天地風雲龍虎鳥蛇天地則狀其方圓風雲則狀其飛揚熊虎則狀其猛厲鳥蛇則狀其翔盤之勢以備大閱而樞密院以爲陣隊旗號若繪八物慮士衆難辨且其間亦有無形可繪者遂詔大閱旗幟上依方色仍畢其刑制令勿雜而已 詔樞密院曰唐李靖兵法世無全書雜見通典離析論外又官號物名與今稱謂不同武人將佐多不能通其意令樞密院檢詳官與王震曾皎王白郭逢原等校正分類解釋令今可行 帝諭近臣曰黃帝始置八陣法敗蚩尤於涿鹿諸葛亮造八陣圖於魚復平沙之上累石爲八行晉桓溫見之曰常山蛇勢也文武皆莫能識之此卽九軍陣法也後至隋韓擒虎深明其法以授其甥李靖靖以時遇久亂將臣通曉其法者頗多故造六花陣以變九軍之法使世人不能曉之大抵八陣卽九軍九軍者方陣也六花陣卽七軍七軍者圓陣也蓋陣以圓爲體方陣者內圓而外方圓陣卽內外俱圓矣故以圓物驗之則方以八包一圓以六包一此九軍六花陣之大體也六軍者左右虞候各一爲二虞候軍左右廂各二爲四廂軍與中軍共爲七軍八陣者加前後二軍共爲九軍本朝祖宗以來置殿前馬步軍三帥卽中軍前後軍帥之別名四馬步軍都虞候是爲二虞候軍天武捧日龍神衛四廂是爲

四廂軍也中軍帥總制九軍卽殿前都虞候專總中軍一軍之事務是其名實與右九軍及六花陣相符而不少差也今論兵者俱以唐李筌太白陰經中所載陣圖爲法失之遠矣朕嘗覽近日臣僚所獻陣圖皆妄相眩惑無一可取果如此輩之說則兩敵相遇必須遣使豫約戰日擇一寬平之地仍夷阜塞壑誅草伐木如射圃教場方可盡其法耳以理推之知其不可用也決矣今可約李靖法爲九軍營陣之制然李筌之圖乃營法非陣法也朕採古之法酌今之宜曰營曰陣本出於一法而已止曰營行曰陣在奇正言之則營爲正陣爲奇也於是以八月大閱九軍陣於城南荆家陂已事圻營回軍賜遂等下指揮馬步諸軍銀絹有差

哲宗元祐元年高翔上言乞依舊教閱御陣與新陣法相兼從之元豐七年詔已降五陣法令諸將教習其舊教陣法並罷蓋九軍營陣爲方圓曲直銳凡五變是爲五陣至是復令與舊教御陣互教

四年右司諫蘇轍上言諸道禁軍自置將以來日夜按習武藝將兵皆早晚兩教新募之士或終日不得休息今平居無事朝夕虐之以教閱使無遺力以治生事衣食殫盡憔悴無聊緩急安得其死請使禁軍除新募未習之人其餘日止一教朝請郎任公裕言軍中誦習新法愚懵者頗以爲苦夫射志於中而擊刺格鬪期於勝豈必盡能如法樞密院亦以爲元降教閱新法自合教者指授不當令兵衆例誦詔從之

徽宗宣和八年詔州軍出戍外常留五分在州教閱

高宗建炎元年始頒密院教閱格法專習制禦鐵騎摧鋒破敵之藝習全副執帶出入短檣神臂弓長柄膊刀馬射穿甲施用棍棒並每年比擬春秋教閱法別立新格行下一日短檣神臂弓給箭十隻射親去垛一百二十步長柄膊刀謂長一丈二尺以上用氈皮裹爲頭者餘教閱振華軍稱膊刀準此引鬪五十次不令刀頭低墜至地

并每營揀選二十人閱習放砲打親旨長柄膊刀手本色相鬪并短椿神臂弓手長柄膊刀手施用棍棒各擊虛三十次砲手閱習施放七稍大砲排日就營教閱凡經兩閱者每五十人爲一隊全副執帶教習分合一次教習分合隨隊多少分隸五軍謂如五百人每隊五人人卽每軍兩隊之類人多依此每軍各置旗號以顏色樣制物號爲別謂前軍用緋旗以飛鳥爲號後軍用皂旗以龜爲號左軍用青旗以蛟爲號右軍用白旗以虎爲號中軍用黃旗以神人爲號又別以顏色樣制物號錯招旗分旗差教頭掌之舉招旗則五軍以旗相應合而成陣舉分旗則五軍以旗相應分而成隊左右前卻或分藏爲伏或分出爲奇並舉旗爲號並便鳴小金應鼓爲號以備瞻望旗號不及預約伏藏之處慢打小金卽伏急打應鼓卽奇兵出陣趨戰急打小金卽伏兵出所有春秋大教推賞自依海行格法詔依

孝宗乾道二年十一月詔以二十四日幸白石教場大閱其日上幸候潮門外大教場進早膳次幸白石教場登臺上御甲冑三衛統制統領官等起居畢舉黃旗諸軍皆三呼萬歲拜訖三衛合教爲三陣馬軍上馬打團教場舉白旗三司馬軍首尾相接舉紅旗向臺合圍聽一金止軍馬各就圍地作圓形排立射生官兵隨鼓聲出馬射獐兔再一金止疊金射生官兵各歸陣隊舉黃旗射生官兵就御臺下獻所獲是日有將校能隻手運大刀者數人刀皆重數十斤賞賚諸將及士卒有差

四年十月四日殿前司言準已降旨令三司祇備教閱今躬親相視龍王堂北江岸以東茅灘一帶平地可作教場已修築將壇將來三司馬步軍並各全裝披帶衣甲執色器械至日先赴教場下方營排辦候聖駕升臺金鼓起居畢依資次變陣教閱所有聖駕出郊除禁衛所窠差儀衛外欲於本司入陣馬軍內摘差護聖馬軍八百